

قاسم ياغصن عاشوراء قاسم اطفى الردى نوره
أنت للدين فداء أنت تاريخ ابناء

جاسم يروحي ومنيتي خيبي ظني
ربيتك وهذا الكضى مايرحمني
من صغر سنك يالولد أراك بييني
ترعاك عيني ومهجتي ويحميك جفني
وهز مهدك اوليلي اسهره اويك كالت للراحة انسى ونومي يفداك
وماهمني السهر والتعب يرباك لوني بس اشوف ايديني ترعاك
انت الأمل في دنيتي بييني يجاسم
مذخور إليه ولو عليه الضيم حاييم
عندي اوليدي بالمحن والذخر لازم
وماينسى امه والربي وكنت الموازم
يوسفه منيتي ضاعت بلطفوف بدل زفت عرس للحومة مزفوف
وشمعة زفتك دمعي المذروف واشوف احسين جابك من هالصفوف

يوليدي وين اتروح مني راحت هالروح وتتركني بمعضلة
اترغب ليه تعود بعد الجهد المجهود ودعواتي النازلة
لكن هذا المحتوم تتصوب هذا اليوم في عرصة كربلة
ياجاسم يا محروم امك وانخاك اتكوم تحميني بهالبللة
هذه امك تتخاك بولوال أه بينني
تحميني من فجعة لهوال أه بينني
وحدتي ابيكي ومدهوشة البال أه بينني
أدري ماتتساني بهالحال أه بينني

خفف بييني الونات والنوح
كلبي ذايب وحشاي ممروود
وشبيدي وبهالخيمة مطروح
چنك من هالتربان متعود
متحسرة وكلبيي مجروح
واتصب اعيني فوق لخدود

قاسم ياغصن عاشوراء قاسم أطفى الردى نوره
أنت للدين فداء أنت تاريخ إباء

ياشمس غيبي اوياسما خل تطلع اغيوم
اتغطي بدر فوك الترب غارگ بالدموم
حتى لفلاك اعولة لجله اولنجوم
مخسوف راسه بالعمد ياظلگ هاليوم
على حر الفله زايد نجيعه خضيبه جتته فوك الشريعة
أيا أرض اخجلي اوكوني وديعه على شبل الحسن أخفوا ربيعه
ابساع يحسين الگمر شيله يمظلوم
فطر فياقي كربله امن الماي محروم
وده يبو سكنه الخيم ما عندهم اعلموم
بلجت يداوا طبرته اويصحه من النوم
رفع راس الولد وادمومه اتفور أوضمه للصدر والدمع منثور
شعبي منظره ياظلگ معفور صعيه حالته يوصل للخدور

شاله ودموع العين تسفح فوك الخدين اوصاله امكطعه
طلعت نساوين حسين تسأل وگع جاسم وين مذهوله امر وعه
بين النسه ام جسام تصرخ او تلطم عالهام ذهلني منظره
اعلى الترب چيف اتتام انهض إلي يا جسام اعيش امر مره
ترحل ودموعي اتصير ادموم أه بيني
سفراتي كلها ألأم وشجون تشعبي
ربيتك بيني وسط لعيون تتركني
جاوبني بيني گبل متروح جاوبني

عباس ابلية چفوف راحل
مايرجع يمه أبد الكافل
والشمر ابسيغه عليه نازل
دما من نحره يضل سايل

قاسم ياغصن عاشوراء قاسم أطفى الردى نوره
أنت للدين فداء أنت تاريخ إباء

يالبشدايد بالسما والأرض معـروف
بدر الحسن ماتدركه لاايصبيه اخسوف
يابوعلي جاسم وگع مايبين لصفوف
اوصلت على نور الولد زانات وسيوف
روه ابجمالک گبل مايسكبه لحسوف
كاس النظما يابوعلي اويرتحل ملهوف
يناديك الولد يابو الحمية يعمي بالعجل إلحگ عليه
أريد اودعك ماريد ميه يريحة والدي عجل إليه
ياعمي من صغري چنت في عيني والد
غذاني بالعطف اومسح يتمي ابفؤاده
منهو يحصل مثلك ابدنياته عابـد
يرأف ابيتمه ويجعله أغلى اولاده
أناديك ابضعيف الصوت عمي گبل ماتشرب العدوان عزمي
أريد اودعك وودع امي ترى حر الشمس يلهب ابدمي

يابويه اوعمي حسين وينك ياتور العين؟ ودني للعائلة
اوشد اجراحتي زين گبل ايحل طير البين باوداع ثاكلة
ودي احضن رمله اوزينب ياعمي
نار الفرگه ابگلي تلهب ياعمي
انت العم والجد وانت الأب ياعمي
ادرك روح ابروحك تنحب ياعمي

جال الصوت ابگلب المظلوم
چنه الجاسم يحسين أيلوم
واطلق مهره في وسط الكوم
اوعاين جاسم في بحر ادموم
ضمه ابصدره اونادي مألوم
ربيتك يا جاسم للدموم

قاسم ياغصن عاشوراء قاسم أظفي الردي نوره
أنت الدين فداء أنت تاريخ إباء

جاسم يجاسم لاتخليني غريبة
متحمل أنظر جنتك بيني تربية
متكلي بعدك متهو أليه أتجي به
يوليدي بعدك شبيبتني هالمصيبة
يجاسم لو رحت عني يجاسم دكلي هالحمل منهو يشيلة
مترضى أمك ابولية أعادي يجاسم أني من بعدك ذليلة
وسفة ابشبابك تاخذك مني المنسية
لو بين جان افديك ياباكي البكية
مقدر أشوفك مرمي في حر الوطية
واني أروح ابولية الطاغي سبيبة
يجاسم ماترد وينه جوابك يوسفة دمك الجاري خضابك
حرام اعليه أتهنى ابحياتي إذا أتذكر ابدمعي شبابك

عذريني يايمة لورحتي مأسورة وادمومي سايلسة
أسمع عمي اينادي وأنصاره مغفورة في عرصة كربلة
قرباني من دمي يايمة أفدي له والله يتقبـلـه
بس يمه ذكريني في عمرج بالدمعة أوصالي امجدلة
مو بيدي هاللي اتشوفينه من حسرة
بس عذريني اوجسمي طايح عالغبرة
ما أتحمل منج تنزل هالعبرة
يوم المحشر قدمي دمي للزهرة

أمري لله بعدك بينني
كل أيامي تصبح غريبة
ضاعت كل أحلامي مني
حالي يامحوبي صعبة
لامايفتر بعدك حزني
للهم صاير كلبني كعبة